

Mazarin
3069a

La refutation des articles de paix...

UNIVERSITY OF N.C. AT CHAPEL HILL



00023009389

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL**

Mazarin
3069a

108
3069
3069 n° 6.
3

LA
REFV TATION
DES
ARTICLES
DE PAIX,
QVI ONT ESTE' PASSEZ A RVEL

ENSEMBLE LES VERITABLES
nonnelles receues de leur reformation,

le 14, 15 Mars 1649.

*Voy. B. XVI. n° 46 -
-- B. XXXII. n° 47 -*

M. DC. XLVIII.

REVOLUTION

ARTICLES


DE PAIX.

QUI ONT ETE PASSES A RUEL

ENSEMBLE LES MERITABLES

Le 14. Mars 1794

M. DC. XLVIII



LA REFUTATION DES ARTICLES

de Paix qui ont esté passez à Ruel; Ensemble les véritables nouvelles receuës de leur reformation.



AM AIS on a veu tant de nouvelles, & iamaïs on en veid de moins assurées, nous resemblons iustement en cecy à ces malades qui reçoient toutes sortes de remedes, sans rectuoir soulagement en leurs maux, & qui augmentent leur fièvre par les soins & les inquietudes qu'ils en prennent. Comme nous sommes malheureusement trauaillez de la guerre, & que nous desirons passionnement la Paix, toutes les nouvelles nous en sont agreables, bien qu'elles ne soient pas vrayes, sans considerer qu'estant ainsi, elles nous causent plus de troubles qu' auparauant. L'arriüée de nos Deputez qui venoient de Ruel, ne nous faisoit-elle pas esperer vne Paix solide & de durée? Et les Articles qui'en furent veuës le lendemain, n'en estoient-ils pas comme le sceau, & le caractere? Et neantmoins nous voyons dans la suite, que les choses sont en mesme estat qu' auparauant, que les affaires sont aussi embrouillées que iamaïs. En effet, ils ne se peuent ny receuoir, ny executer, à moins que nous voulions nous soumettre à des conditions honteuses, & indignes d'un cœur vrayement François, & nous rendre esclaves d'un perfide Estranger, qui n'estant né que pour obeyr par vne ambition naturelle aux Italiens veut commander à un Royaume Vainqueur des Nations, & à un Peuple qui ayme trop la liberté pour estre gourmandé en ses actions: Non, non, les François passeroient pour les plus lasches du monde s'ils obseruoient des conditions qui leur seroient prejudiciables, & s'ils n'estoient assez resolu pour choisir plustost vne mort glorieuse, qu'une vie sans honneur & sans courage. Quelle apparence que nous abandonnions des Princes qui ont si courageusement exposé leur vie pour la defense de

la nostre : ou que nous souffrions, que le plus auguste, comme le plus équitable Senat du monde, ne soit plus ce qu'il est. Ainsi qu'il a esté désiré dans les Articles signez. Quel object d'horreur & d'animositez, serois-ce de voir vn Estranger sans vertu, sans merite, sans naissance, s'asseoir sur les Fleurs de Lys, & tenir rang parmy les Princes. Comment pourrons nous voir aussi nos voisins ruinez sous la charge des subides, eux qui n'ont esperé qu'en nous, & qui se sont tousiours persuadé que nous les assisterions de nos armes, de nos biens, & de nos forces.

Mais enfin, comment souffrir cette malheureuse engeance de Malotiers & Partisans, qui comme sangsuës affamées succent les peuples iusques au sang, & les font mourir de rage. Il faut donc croire que les Articles de Paix signez à Rueil sont pour la pluspart faux, comme ils ont esté distribuez par la ville de Paris, ou que Messieurs les Deputez feront en sorte de les faire reformer, ou bien qu'ils seront absolument refusez. De cette reformation, nous en auons receus des assurances tres-certaines, selon les lettres secretes enuoyées de saint Germain, qui disent ce qui s'ensuit.

Que Monseigneur le Duc d'Orleans, Oncle de sa Majesté, est tousiours Generalissime de ses armées.

Que Monsieur le Duc de Beaufort sera son Lieutenant general.

Monseigneur le Prince de Condé ira en son Gouvernement de Bourgogne pour le seruice du Roy & de l'Estat.

Monseigneur le Prince de Conty sera Gouverneur de la Champagne & de la Brie.

Le Cardinal Mazarin se retirera presentement hors de la France.


L'Archiduc Leopold, qui est aupres de Noyon, s'en retournera à son poste.

Les villages d'alentour de Paris qui ont esté ruinez des gens de guerre seront remboursez, comme il en sera ordonné par le Conseil selon les informations qui en seront faites par les Commissaires establis pour cet effet.

F I N.

RBC
Nou

RBC/Nou



Digitized by the Internet Archive
in 2023 with funding from
University of North Carolina at Chapel Hill

<https://archive.org/details/larefvttationdesa00unse>

